

OHR, OSCE i CIK potpisali Memorandum o razumijevanju



Visoki predstavnik i specijalni predstavnik EU Valentin Inzko, šef misije OSCE-a Gary Robbins i predsjednica Centralne izborne komisije BiH Irena Hadžiabdić potpisali su danas tripartitni Memorandum o razumijevanju koji definiše savjetničku ulogu OHR-a i OSCE-a u Centralnoj izbornoj komisiji BiH. Od juna 2005. godine, kada su se OHR i OSCE povukli iz članstva u CIK-u, memorandum o razumijevanju reguliše prisustvo i saradnju između CIK-a i ove dvije međunarodne organizacije. Memorandum se produžava na godišnjoj osnovi. Centralna izborna komisija je domaća institucija zadužena za organizaciju izbora u BiH, te Zakon o sukobu interesa i Zakon o finansiranju političkih partija.